



16440

I Ma. St. Dr

P

*Ussedowski Stanislaw: Quaestio de
iuramento calumniae.*

2581 *Prun.*

Q V Æ S T I O

D E

I V R A M E N T O
C A L V M N I Æ,
A

M. S T A N I S L A O O S S E D O W S K I.

*S. Th. & I. V. Doctore & Professore, Protonot. A-
postolico, Ecclesia Collegiata Crac: Sancto-
rum Omnium Custode.*

Pro loco inter DOCTORES
I N F A C U L T A T E I V R I D I C A,

Almæ Vniuersitatis

A C A D E M I Æ C R A C O V I E N S I S.

Obrineñdo.

Publicè ad disputandum in Lectorio D. D.

I V R E C O N S V L T O R V M.

Proposita.

Anno Domini M. DC LVII. Die 18. Mensis Decemb:



C R A C O V I Æ

In Officina Viduæ L V C Æ K V P I S Z. S. R. M. Typ.

34. V. 78.

IN STEMMA

Perillustris: & Reuerēdissimi Dñi.

N.

D.

E. L.

A.

C.

D.S.S.

A.D.



O.

O.

N.S.

C.

P.

O.

C.

Pulchræ, Veris opes, quid nobis LILIA præstant?

Candida, sunt oculis, LILIA grata nimis.

Ambrosios latè diffundunt, LILIA odores.

Candida si fuerint, LILIA grata nimis.

Mystes Natus es Illustris sub sydere fausto.

LILIA, Stemma tuum, LILIA grata nimis

Delicium es Suadæ Themidis, Probitatis auicæ

LILIA OBORSOI geris, LILIA grata nimis.

Stemma tuum felix, tu Candida LILIA gestas,

Candidus es totus, LILIA grata nimis.

16440 J.

Per

Perillustri & Reuerendissimo DOMINO

**D. NICOLAO
O B O R S K I.**

I. V. D. Episcopo Laodicen:
Nominato Suffraganeo, & Archidia-
cono Crac. Cantori Posnaniensi, Ec-
clesiæ Collegiatæ SS. Omnium Cracouiæ
Decano, ac interim Sede vacante,
Episcopatus Cracouiensis Generali
Administratori.

D. ET PATRONO COLENDISSIMO.

M. STANISLAVS OSSEDOWSKI.

S. Th. & I. V. D. & Professor, Protonotarius Apostolicus,
ac Ecclesiæ Collegiatæ SS. Omnium Custos.

Salutem & perennem felicitatem precatur.



*Diuersis cogitationum agitabar fluctibus.
Perillustri & Reuerendissime Dñe, sub cuius
augusto nomine, & omine, Questionem In-
iuridicam in publicam producerem lucem: di-
pendeo animi. Tu Perillustri, & Reuerendis-
sime Dñe, non secus, atq; nouum quoddam sydus, suauissime
mihi illuxisti. Protinus enim arripui auspicia, indubitata feli-
citatatis sumpsi argumēta, cum Te post occasu Rndmi Petri GEM-
BICII, Magni Episcopi, & Senatoris de Ecclesia & Republica*

optimè meriti, velut luminare emerisse, & in Hemisphærio
Diœcesis Cracouiens: clarissimè resplenduisse animaducrii.
Administras prudentissimè laboriosam Episcopatus Cracouiens:
Prouinciã, subministras omnibus amabilem benignitatis
Tua lucem, eximia clares pietate, insuper admirabili in gra-
uissimis negotiis polles iudicio, & Sapientiã. Præclara, hæc
& insignia dignitatis ac munerum Tuorum quis non videat?
quis non stupeat ornamenta? quæ calamo exprimere, & sin-
gula numerare esset operosum. Illud tamen neq; tacendum,
neq; prætereundum esse duxi, Illustr: & Rndimam Dnãem in
Inchyta Nostra vniuersitate Crac: tam in omni genere Artium,
quàm in Philosophia insignes instituisse progressus, in illa autẽ
luce orbis terrarum, & arce omnium gentium Vrbe Romanã
sedulam Theologia nauasse operam, & Doctoralem in utroq;
jure lauream magno cum applausu, Eruditissimorum recepisse.
Age verò, insignia honorum Tuorum decora, & illustrissimũ, in
Ecclesia Dei meritorum splendorem, de ecclat intueri, iuuatq;
per lineamenta virtutum, quibus egregiè excellis, audis
luminibus peregrinari. Non enim ad Sublimes in Ecclesia Dei
honores, temerario & præcipiti saltu euolasti, nisi prius non
indigna Pontificiã Maiestate virtutum, specimina præbueris.
Atq; hic occurrit admirabilis virtutum Tuarum cinnus, qui
tantam in animis omnium parit gratiam, ut etiam exteri, &
ignoti, auditã OBORSIORVM Pietate. Te Perillustr: &
Reuerendissimè Dñe. & amore prosequantur, & venerentur.
Quis enim raras illas virtutes, Tibi autem familiares,
Mansuetudinem, Modestiam, & Beneficam in omnes, volun-
tatem, non admiretur? quis Comitatem, Affabilitatem, &
Munificentiam in iuuandis egenis, magnificã laudum non ce-
lebrabit apothèsi? quis indefessum in promouẽdo cultu Diuino
studium, vigilantiam in obeundis Ecclesiasticis officiis, can-
dorẽ ipsum, hoc vitiatò sæculo, rarum, amore non prosequatur?

non exoscultur? Expressisti, v'l dicam verius, superasti in
hac praeclara muneris tui administratione Mystagogos, effin-
xisti laudabilem Antecessorum Tuorum vitam, Viuam & spi-
rantem imaginem Perillustr: & Reuerendissimi THOMAE
OBORSKI Episcopi Laodicensis, Suffraganei, & Canonici
Crac: Patru Tui, omni auo, memorabilis, cunctis praeuisti,
cuius quidem praeclara in Ecclesiam promerita abunde lo-
quitur. Epitaphium ad aram Crucis, in Ecclesia Cath. Crac.
erectum. Incedis trita optimorum Antistitem via, tenes
regulam Piiissimi Patru semel apprehensam, quam conseruas,
& ad hanc, omnem vitam Tuam, exaquis. Sixtus Senensis lib.
4. refert de S. Thoma Aquinate: Ita Sapientissimo Augustino
proximus incescit, vt ex communi doctissimorum Virorum
adagio iactitatum sit: Augustini animam quasi migrasse in
Thomam. Dicam ego, si licuerit sacros Mystagogos, Diuinis
adiungere Doctores: ita Integerrimo Patruo, proximus in-
cedis, vt communis, omnium, de virtute, scribendum, sermo sit THO-
MAE OBORSKI animam, quasi migrasse in Nicolaum. Bole-
slaus 3. Krinoustus Rex Poloniae Patris memoriam gestabat in
aurea laminâ, cui erat Patris inscripta effigies, vt quicquid
faceret, quasi inspiciente coram, & exaudiente Patre. Non in
aurea laminâ, sed in animo integritatis, Sanctimonie, aliarumq;
virtutum passim Patru imaginem geris Perillustr: & Rndme Dne
vt iam ab omnibus. Exemplar Sacerdotum, Pater pauperum,
Vir misericordiae, & Fautor Academicorum appelleris Mit-
to alia. Viue itaq; longissimos annos Perillustr: & Reuerendis-
sime Dne. ad ornamentum Ecclesiae Reipublicae, Familiae, &
Academiae nostrae. Hanc verò Questionem meam Iuridicam,
sereno suscipe animo, meq; solito affectu, & benecolentiâ, quâ
multis ab annis foues, complere. Ego autem vt indignus
coram Deo Exorator, ad Sacratissimos, Beati Ioannis Cantii, Pa-
tri archa nostri, Cineres, Diuinum pro incolumitate Perillustr:
& Reuerendissima Dnaois Numen semper implorabo. QVÆ

Q V Æ S T I O

ex Cap: Coeterum.

EXT. DE IVRAMENTO CALVMNIÆ
iuncta L. Cum & Iudices.

C. DE IVRAMENTO, PROPTER
CALVMNIAM dando.

V • Iuramentum Calumniæ, Litigātes,
coram Iudice cuiusvis instantiæ,
ante, vel post Litem contestatam,
per se, vel per Procuratorem, quā
in foro Ecclesiastico, quā Sæculari,
in Causis Ciuilibus, Criminalibus,
& Mixtis, præstare; ac de non præ-
stito, post exactum à parte, puniri
debeant, necne?

CON.

CONCLUSIO I.

Iuramentum Calumniæ, à Litigantibus coram Iudice cuiusvis instantiæ, ante Litis contestationem, aut etiam Lite contestatâ, præstari debet.

COROLLARIUM.

1. Per iuramentum Calumniæ, intellige Iusiurandum, quod de bonâ conscientia, suâq; quam quisq; opinatur, causæ bonitate, præstatur.
2. Duplex autem est Calumniæ iuramentum. Alterum Extraiudiciale, quod in actibus extraiudicialibus præstatur. Alterum Iudiciale, de quo hic, & est, vel Generale, vel Speciale.
3. Præter Actorem, & Reum, Iudex quoq; olim cogebatur præstare iuramentum Calumniæ.
4. Non solum ante, vel post Litem contestatam, verum quandoq; post Conclusionem in Causa, adeoq; in qualibet litis parte, dictum Calumniæ iuramentum, est deponendum: communiter tamen, omittitur generale, ad exordium Iudicij.
5. Quamvis in prima instantia, iuratum sit de Calumnia, etiam coram Iudice Appellationis, iurandum venit, de eadem, si exigatur.

CON-

CONCLUSIO H.

Iuramentum Calumniæ, tam Actor quam Reus, quandoq; per se: quandoq; per Procuratores præstare debet.

COROLLARIUM.

1. Cum Iuramentum Calumniæ, tantum sit de credulitate, & non de veritate, nullus potest conqueri, si ad illud compellatur.

2. Iuramentum Calumniæ: siquidem ad reuocandos, metu religionis, à malitiosâ, litium intentione, litigatores, est introductum, non debet à litigantibus recusari.

3. Actor iurare debet, se non calumniandi animo, litem intentare, sed existimare se iustam causam habere, & fouere, Reus verò tenetur iurare, quod putans bonâ instantiâ, vti ad reluctandum & contradicendum venerit.

4. Si Iudex censuerit, Personis Principalibus potius quam earum Procuratoribus, etiam Speciale mandatum habentibus, Iuramentum Calumniæ deferendum, ipsi Principales, per se illud subire coguntur.

5. Quamuis Principales Personæ, hoc Iuramentum præstiterint: nihilominus earundem Procuratores, illud etiam suo nomine, & in animam suam requisiti, præstare debent, aliàs si recusauerint, submouendi sunt à prosecutione causæ.

CON-

CONCLUSIO III.

TAm in foro Ecclesiastico, quàm in foro Sæculari, moris est, præstare Calumniæ iuramentum.

COROLLARIUM.

1. Iure Ciuili sine apertè petatur, siue non petatur præstari, præstandum erit: nam Iudex illud ex officio iniunget.
2. Iure Canonico nō præstari petatur, Iudex illud exigere à partibus non tenetur. Quamuis possit etiam post conclusionem, in causa, deferre, parte etiam non petente.
3. Modus præstandi, huius iuramenti antiquus, digitis duobus, in Cælum erectis, vel tactis Sacrosanctis Scripturis.
4. Hodie in foro Sæculari, satis est, si ad acta iuretur, In foro Ecclesiastico obtinuit, praxis ad propositum, Sacrosanctum Euangelij Codicem, iurare.
5. Huic iuramento, affine est iuramentum Malitiæ, & utrobique præstari æquum, quoties Iudex censuerit illud exigendum.

CONCLUSIO IV.

IN omnibus causis, siue sint Ciuiles, siue
B CH-

Criminales: siue Mixtæ, locum sibi vendi-
cat Calumniæ Iuramentum.

C O R O L L A R I U M.

1. Et hoc valet: siue de Causis Summariè, seu de plano, sine figurâ & strepitu Iudicij, siue Plenariè, & Seruato iuris ordine, agatur.
2. Siue sint. Prophane Causæ, siue Spirituales. Quamuis olim, in Causis Spiritualibus, tantum de veritate dicenda iurabatur, & non de Calumniâ.
3. Nec obstat, quod Christus Dominus, apud S. Matth. Cap. 5. docuit, non iurare omnino, locus enim ille intelligi debet, de Iuramento absq. necessitate seu rationabili causa.
4. Adeo hoc Iuramentum Calumniæ est necessarium, ut si ab alterâ parte exactum fuerit, & omissum ab alterâ: eius omissio vitiet Processum: & sententiam latam reddat nullam.
5. Intelligendum autem est hîc, Iuramentum Calumniæ, non tantum Verbale, sed etiam Reale, quod aliàs in iure appellatur corporale. Et sit per Crucifixi, Euangelij aut sceptri tactum, vel manus elevatione &c. potissimum in eo, qui mutus est.

C O N C L U S I O V.

Nisi Actor, & Reus. post exactum, à parte, vel Iudice, præstiterint Calumniæ Iuramen-

mentum, poenis à iure debent subijci, de-
scriptis.

C O R O L L A R I U M.

1. Si Actor, sine causâ, hoc Iuramentum, presta-
re nolit, ab Instantia, & instituta Actione, quasi im-
probis litigator cadit. Ceterum, in confesum non sunt
aliæ partes Iudicis, quàm in condemnando.

2. Hæc pœna, non incurritur ab Actore, vel Reo,
nisi Iudicis Sententia mediante. Unde, tam Actor,
quàm Reus, ante huiusmodi sententiam, à Iudice la-
tam, potest suam purgare contumaciam, pœnamq;
hanc evitare, præstando Iuramentum Calumnia, ha-
tenus omissum.

3. Ista pœna, non habet locum, in Causis Spiritu-
alibus, & Beneficialibus: veluti, cum agitur de Deci-
mis, de Iure Patronatus, vel aliquo Beneficio, ne in-
de detur vitiosus ad talia ingressus.

4. In Criminalibus, isti pœne non est locus in qui-
bus non semiplena, sed luce meridiana clariores proba-
tiones requiruntur.

5. Si ante eiusmodi sententiæ prolationem, moriatur
Actor, vel Reus, pœna illa, tanquam nondum commis-
sa (cum neq; incuratur ipso iure) non transit ad here-
des eius.

^{CUR}
Sceptra duo pariter nestūtur Crucis ~~in~~ star
Crux Sceptris hæret: Sceptra beata manēt.




Sub Felicissimis Auspicijs
Magnifici, Clarissimi, & Excellentissimi Viri, Domini.
D. M F R A N C I S C I
R O L I N S K I.
Philosophiæ, & Medicinæ Doctoris ac
Professoris, Consulis, & Generalis
Studij Academiæ Cracouiensis
Vigilantissimi,
R E C T O R I S.

XXIV. 5. 72.

tar
ēt.

Biblioteka Jagiellońska



stdr0013574

